

Baez daengz ngoenzciet niemh vunzcaen. Daeglinh youq sengj rog aen gunghswih ndeu guh hong. Daeglinh gietdingh bineix ndwencieng dauq ranzmbanj gvaq cieng.

Ngoenz ndwenlab ngeihbet banhaemh caet diemj buenq, Daeglinh caeuq yah lwg hwnj hojceh, yaep he, couh ra ninz lo. Ngoenzlaeng banhaet bet diemj gyoengqde ngamq ndiu. Yo, daj conghecueng yawj baihrog ci bae, mizseiz yawjraen baenz benq dieg byaekva' henj, mizseiz raen daengz baenz aen baenz aen daemz bithaij Sam mehlwg itmienh gangjriu itmienh yawj gingjsaek gyaundeix neix. Hojceh lumj duzlungz nei bongh gvaq aen rungh aen ndoi faexmwn, raih gvaq baenz benq ndoenggoij Lajbyonghngoengz sam diemj cung couh daengz cehcan ranzmbanj Daeglinh lo. Daeglinh youq gwnz haw cawx ndei faengx, nohlab daengj haujai doxgaiq, couh dap cisamloek ma ranz.

Daeggo beixsauj raen daeng-nuengx daengx ranzvunz dauqma, angq raixcaix. Songde raen daeglwg Daeglinh gaeng song bi lo, dwggvaez lai, doxlwnz umj hwnjdaej, youh umj youh cup, daengx ranzvunz angq dangqmaz.

Gwn caeuz gvaq le, Daeglinh caeuq lwg maex dawz geij aen faengx, cib diuz saejlab, bingjdangz bae yawj Buzloeg. Youq gwnz loh, yah de cam vihmaz bae yawj Buzloeg. Daeglinh naeuz: "Goengbuz gou caeux gvaqsei, gou ngamq roek bi, couh mbouj miz bohme lo, seizhaenx go gou cib bi, dwg daeggo daiq gou hung. Lij ndaej daengz Buzloeg Goengsei, bangcoh dem. Gou bae doegsaw le, Buzloeg ngoenzngoengz aemq gou bae hagdangz, de mbaet gwn mbaet yungh, bang gou cawx doxgaiq sawbuh. Gou doeg cuhcungh sam bi, cienzhag cienz gwndaenj cungj dwg Goengsei, bau hawj. Songde boux miz dahlwg ndeu haq mbanjlaj, ranz song dahgux haenx haemq fouqmiz, Buzloeg Goengsei, ciengz daiq dou bae ranz gyoengqde guhcaemz, caemx raemx gyauejmbou mbanjlaj ne....."

"Daxbuz, daxbuz, hai dou."

sawcuenh dinj

Dauq Ranzcoj Gvaq Cieng

回家过年

□Hoz Cunghliuj /何宗柳



Daengz ranz Buzloeg le, Daeglinh bongx dou heuh naeuz. Yaep he, dou hai lo. "Yo, gou laihnaeuz dwg byawz, dwg Aulinh dauqma, vaiq hauej ranz, caj yaep ndeu couh ndaej gwn caeuz." Bawxlan Buzloeg angqcoux gyoengqde. Daeglinh naeuz: "Dou gaeng gwnhaemh lo, Buzloeg ne?" Lan Buzloeg naeuz: "De bae mbanjlaj gvaq cieng, gaej dwen de lo." "Daej, daeglan, hawj bohlungz umj, cajseiz bohlungz hawj hoengzbau hawj mwngz. Daej guhcaemz couh daej, mbouj yungh aeu huq daej. Gwn caeuz le, sou dauq dawz bae ma....." Naengh ndaej yaep he, Daeglinh naeuz: "Dou baema lo, neix gou hawj Buzloeg 1000 maenz ngaenz, sou bang de dawz gonq." "Mbouj aeu mbouj aeu, sou dauq dawz huq baema, cienz couh engqgya mbouj bang dawz lo." Bawxlan Buzloeg duet aen hoengzbau gvaqdaej oet hauej ndaw daeh Daeglinh bae. Gyoengqde nyungj bae nyungj dauq, daeglan caeuq bawxlan Buzloeg boux hawj 100 maenz hawj lwg Daeglinh, cij sou faengx noh. Hoeng, gangj gijmaz hix mbouj haengj

bang dawz 1000 maenz ngaenz hawj Buzloeg.

Banhaemh, Daeglinh daengx ranzvunz dawz huq bae ranz Goengsei. Lwg Goengsei daengx ranzvunz angqcoux gyoengqde. Liuzbet got daeglan hwnjdaej cup liux youh cup. Daeglinh coenz daih'it couh cam: "Goengsei ne?" Liuzbet naeuz: "De bae mbanjlaj lo, bae ranz dahlwg gvaqnienz. Daej, raeuz sien gwn makdangz gonq. Seizneix gwndaenj ndei lo, laeuj ndei loh ndei, diegyouq seuqsak, yienghyiengh ndei. Ndwenlab ngeihcib caezgya couh suek faengx, ngoenz ngeihbet couh dieb doiq lo. Cajseiz sou dauq dawz faengx noh baema, caiq dawz geij aen faengxgaeuvaiz duh gou baema, yawj cungj faengx lawz lai ndeigwn. Seizneix, mbanj raeuz lienz gaeqhangh hix daenj soij lo....." Vah de nyex ndaej caezgya ruihoho. Aubet hix mbouj haengj bang dawz cienz hawj Goengsei. Yaep he, Daeglinh gyoengqde baema le, lwg Daeglinh ndaw daeh youh lai miz song bak maenz cienz.

Haemhndaep, vunzmbanj gaj bit gaj gaeq, gaj mou gaj yiengz, caeq goengsix, youq ndaw ranz henz ranz caeqgoeng. Gwn haeux gvaq, doih saecej couh bae hawj gak ranz gak hoh baiqnienz. Daeglinh gvanbaz hix bae ndaek gyong hawj doihciengqsae ciengq sae. Daengz gyanghwnz, aen-cung hung ngamq naeng cibngeih diemj, gak ranz gak hoh youq gwnz dinglaeuz diemj cit bauqva, aen dem aen bauqva daiq hohfuk gyoengqvunz biu hwnj gwnzmbwn, hai ok saekhoengz saekhenj, saekaeuj saekloeg, ndei yawj dangqmaz. Sing bauq naeng ndaej dei daenh mbwn ngauz. Daeglinh caeuq caezgya seiz mbouj seiz bek fwngz daihsing heuh: "Yu, aen neix ndei yawj lai!" Bauqva naeng daengz gaeq haen sam lij caengz dingz ne.

Daeglinh youq ranzmbanj vaiqvued gvaq seiq ngoenz cieng le, couh dauq baema gunghswih. Youq gwnz hojceh, Daeglinh ngamq naengh ndei, hojci couh "gunlung gvanglang" hai bae lo. Seizneix, doiqnaj Daeglinh miz doiq gvanbaz ndeu couh daej hwnjdaej, daej ndaej gig siengsim. Daeglinh nyaenx mbouj ndaej cam: "Sou miz maz saeh?" Daeg haenx mienh daej mienh gangj: "Gou ngamq sam bi mbouj ma ranz, goengbuz gou couh bae mbanjlaj youq lo.....hai!" "Neix youh miz maz, songde youh mbouj dwg gvaqsei." "Mwngz mbouj rox bae mbanjlaj lingh miz aen eiqsei ndeu dwg gvaqsei ha.....?" Daeglinh baez dingq, doeksat liux: "Ha? Nyaenx gangj Buzloeg caeuq Goengsei gou hix gvaqsei la?"

Daeglinh gipmuengz yaek soujgih okdaej cam liuzbet. Liuzbet daej dwk lwnh de nyi, Buzloeg caeuq Goengsei youq geij ndwen gonq gaeng gvaqsei lo. Nyi liuzbet baenzneix gangj, Daeglinh nyaenx mbouj ndaej daej hwnjdaej: "Buzloeg Goengsei caengz ndaej gwn duix haeux ndeu duhgou.....!" Yah de caeuq lwg de hix lae raemxda roengzdaej.

Caen dwg: Lwglan siengj hauq-swnh, vunzcaen gaeng mbouj lix. Vunz raeuz lij dwg ciengz dauq ranz yawjyawj bouxlax bw.

Yienh Bujbwz miz aen Yangh Cinlungz, yienzlaiz miz faexdaeqnding 10 lai fanh moux, daih guh gangdiet seiz deng buqvaih yiemzcungq, ginggvaq fung bya hoh faex le, daengz 70 nienzdaih, gij diegriz gaxgonq raemj gvaq haenx hainduj faex mwn baenz ndoeng, seizneix gaeng baenz le aen dieggoek cauh'ok cujyau yunghcaiz cauh ruz Guengjsae ndeu, caemh dwg benq ndoengfaex faex-daeqnding ceiq gvangq daengx guek baez daihngaih maj baenz haenx.

Miz mbanj ndoifwz lai gvangq haenx, swcigih lij buet ok ngaenz-cienmonz, aeu feihgih doek ceh cauh ndoeng. Veiz Gozcingh naeuz: "Dij ndaej yungh gij ngaenz neix, bibi youq baihneix roengz di ngaenz, daengzcog yaek miz souhauej laux, lwglan caemh rox gyo' mbaiq raeuz." Feihgih cauh ndoeng youq Ndoengfaex Gvanghsih guh ndaej baenzgoeng gonq, gvaqlaeng youh guhgvangq daengz Ndoengfaex Dagveisanh caeuq gij diegbya baih-

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

saebaek Guengjsae caeuq dieg ndoibya luegdah Dahyougyangh bae. Daj bi 1969 hwnj, gonqlaeng youq 8 aen digih, 66 aen yienh (si), 403 aen yangh (cin) caeuq 58 aen dieg-ndoengfaex guekguh gvangqlangh doigvangq, cingzcik yienhda. Youq Ndoengfaex Gvanghsih guh feihgih cauh ndoeng, ginggvaq 25 bi le, gij lienghrom bingzyaenz moix moux gofaex ndaej 25 fanh lizfanghmij.

Ciuq gij fuengcim "daj gyawj daengz gyae, daj ndaw daengz rog" haenx, Swcigih Dangjveij gij yawjnaek

gij hong loegvaq Namzningz, Liujcouh, Gveilinz, Vuzcouh seiq aen si neix. Geij boux goengdaez cungj faenhong, Veiz Gozcingh gaem hong Namzningz, youz Cinz Yinggih, Lij Yinhdanh bangfwngz, Vuj Cinnanz gaem hong Gveilinz, Ho Hihmingz gaem hong Liujcouh, Anh Bingzswnggh gaem hong Vuzcouh.

Veiz Gozcingh doiq gij hong cauh ndoeng loegvaq Namzningz, ca ndaej gig gaeng gig sijsaeq.

Bi 1964 ndwen 3 co, aen ngoenz-singhgiz ndeu, de ciucomz gij vunz-

gaemhong Namzningz Si, Swcigih Linzyezdingh daengj danvih haenx daej hai hoih, cienmonz ngeixyaeng gij vwndiz Namzningz cauh ndoeng loegvaq haenx. De naeuz: "Namzningz dwg soujfuj swcigih, guh hong cauh ndoeng loegvaq wnggai guh ndei daiqdaez, hwnjguh soujfuj raeuz baenz aen singz gyaundeix bya heu raemx saw dieg baihnanz bae. Mboujdanh youq ndaw singz guh ndei loegvaq, youq gij dieghenz rog singz caemh aeu guh ndei bae."

(caengz sat)